

4. Marko Tolić, član - Zavod za izgradnju Kantona Sarajevo,
5. Amer Karičić, član - Ministarstvo saobraćaja Kantona Sarajevo - Direkcija za puteve.

Za tehničkog sekretara imenuje se Berkovac Džana iz Ministarstva saobraćaja Kantona Sarajevo.

II

Zadatak Jedinice je da na osnovu pravila Europske banke za obnovu i razvoj i važećih propisa u Bosni i Hercegovini koordinira i vodi Projekat iz tačke I ovog rješenja.

Jedinica će donijeti poslovnik o radu, voditi zapisnike sa sjednica, te definisati zadatke za svakog člana Jedinice u cilju efikasnije realizacije projekta.

Jedinica je obavezna o svom radu dostavljati mjesečne izvještaje premijeru Kantona Sarajevo i Ministarstvu saobraćaja Kantona Sarajevo, a Vladi Kantona Sarajevo kvartalno putem Ministarstva saobraćaja Kantona Sarajevo.

III

Članovima Jedinice za rad u Jedinici pripada mjesečna naknada, i to voditelju jedinice 500,00 KM, članovima Jedinice 300,00 KM i tehničkom sekretaru 200,00 KM.

IV

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-11870-14.2/25

11. aprila 2025. godine

Sarajevo

Premijer

Nihad Uk, s. r.

Ministarstvo zdravstva Kantona Sarajevo

Na osnovu člana 66. stav (2) Zakona o organizaciji organa uprave u Federaciji BiH ("Službene novine Federacije BiH", broj 35/05) i člana 13. Pravilnika o sigurnosti na uređenim kupalištima ("Službene novine Kantona Sarajevo", broj 28/17), a u vezi sa članom 10. stav (4) Zakona o zaštiti stanovništva od zaraznih bolesti ("Službene novine Federacije BiH", broj 29/05), ministar zdravstva Kantona Sarajevo donosi

PRAVILNIK

O SANITARNO-TEHNIČKIM I HIGIJENSKIM USLOVIMA BAZENSKIH KUPALIŠTA I ZDRAVSTVENOJ ISPRAVNOSTI BAZENSKIH VODA I - OPĆE ODREDBE

Član 1.

(Predmet Pravilnika)

Ovim pravilnikom se uređuju sanitarno-tehnički i higijenski uslovi bazenskih kupališta, zdravstvena ispravnost bazenske vode, vrsta, obim i analitičke metode ispitivanja bazenske vode, te vođenje evidencije rada bazenskih kupališta.

Član 2.

(Izuzeće od primjene Pravilnika)

Odredbe ovoga pravilnika ne primjenjuju se na:

- a) bazenska kupališta koja su u vlasništvu građana, a nisu za javnu upotrebu,
- b) bazene koji koriste vode specifičnog sastava, a koje imaju medicinsku indikaciju, kao što su termalne vode, sumporne vode i druge vode sa dokazanim terapijskim učinkom, u kojima se priprema bazenske vode ne provodi dezinfekcijom sa rezidulanim učinkom,

- c) hidromasažne kade u kojima se voda jednokratno koristi.

Član 3.

(Značenje pojmova)

Pojmovi upotrijebljeni u ovom pravilniku imaju sljedeće značenje:

- a) **bazen** je objekat različitih dimenzija i oblika, u kojem se nalazi bazenska voda a koristi se za rekreativne, sportske, terapijske ili druge aktivnosti,
- b) **bazensko kupalište** je zatvoreni ili otvoreni prostor sa pripadajućom infrastrukturom na kojem može biti jedan ili više bazena. Čine ga bazen, okolne površine kao i prostor gdje se nalaze prostorije za garderobu, sanitarni čvorovi i ostali uređaji i oprema,
- c) **bazenska voda** je voda u bazenu i kao takva dolazi u kontakt sa kupcima,
- d) **unutrašnji bazen** je bazen u zatvorenom prostoru,
- e) **vanjski bazen** je bazen na otvorenom prostoru,
- f) **svježa voda** je voda koja se upotrebljava za prvo punjenje i dopunjavanje bazena,
- g) **sezona kupanja** je kalendarsko razdoblje u kojem je bazen otvoren za kupce,
- h) **priprema bazenske vode** je niz tehnoloških postupaka koji osiguravaju njenu usaglašenost sa uslovima definisanim ovim Pravilnikom,
- i) **broj kupaca** je broj koji utvrđuje Uprava bazenskog kupališta u Planu rada bazenskog kupališta u odnosu na raspoloživu infrastrukturu, veličinu bazena i opremu.

Član 4.

(Plan rada bazena)

Za održavanje bazenskog kupališta i higijenskih uslova bazenske vode, te osiguravanje neometanog rada uređaja za pripremu vode, Uprava bazenskog kupališta donosi Plan rada bazena koji je sastavni dio evidencije rada bazenskog kupališta iz Priloga III ovog Pravilnika, a koji sadrži sljedeće:

- a) ime i prezime lica odgovornog za rad bazenskog kupališta koje mora imati najmanje srednju stručnu spremu zdravstvenog ili tehničkog usmjerenja (u daljem tekstu: Odgovorna osoba),
- b) osnovne karakteristike bazena, kao što je porijeklo vode koju koristi, broj bazena, zapremina vode u punom bazenu, kratak opis tehnološkog postupka obrade vode, vrste i količine hemikalija/biocida koje se koriste, način praćenja fizičkih, hemijskih i mikrobioloških parametara, maksimalan broj korisnika bazena, broj svlačionica/kabina, tuševa i sanitarnih čvorova bazena, pisane procedure o dodavanju svježe vode,
- c) pisane procedure dodavanja hemikalija/biocida za dezinfekciju, korekciju pH vrijednosti i flokulaciju,
- d) plan čišćenja,
- e) plan uzorkovanja vode za analize,
- f) korektivne mjere u slučaju zdravstveno neispravne vode,
- g) kupališni red bazena,
- h) plan baždarenja mjernih uređaja bazena (automatski mjerači i ručni mjerači).

II - BAZENSKO KUPALIŠTE**Član 5.**

(Podjela bazenskog kupališta i kupališni red)

- (1) Bazensko kupalište dijeli se na čisti i nečisti dio.
- (2) Čisti dio bazenskog kupališta čini bazen sa površinom oko bazena.
- (3) Nečisti dio bazenskog kupališta čini prostor gdje su smještene prostorije garderobe, sanitarni čvorovi, te ostale prostorije i uređaji.
- (4) Prije ulaska u čisti dio bazenskog kupališta korisnici se obavezno moraju istuširati i proći kroz predbazen (dezbarijeru). Voda u predbazenu (dezbarijeri) mora biti obavezno hiperhlorisana ili obavezno sadržavati dezinfekciono sredstvo.
- (5) Uprava bazenskog kupališta, odnosno vlasnik, obavezni su donijeti kupališni red.
- (6) Kupališnim redom uređuju se pravila ponašanja na prostoru cijelog bazenskog kupališta.
- (7) Kupališni red mora biti istaknut na vidnom mjestu bazenskog kupališta.

Član 6.

(Sanitarno-tehnički uslovi bazenskih kupališta)

- (1) Materijali od kojih je izgrađen bazen i oni koji dolaze u kontakt sa bazenskom vodom ne smiju uticati na fizička, hemijska ili mikrobiološka svojstva bazenske vode.
- (2) Podovi u svim dijelovima bazena izrađuju se od materijala koji nisu klizavi i koji se lako čiste i dezinfikuju.
- (3) U čistom dijelu bazenskog kupališta ne upotrebljavaju se podne obloge od materijala koji upijaju vodu.
- (4) Svi elementi bazena moraju biti izvedeni na način da osiguravaju sigurnost kupaca pri čemu se ne umanjuje odgovornost kupaca da se pridržavaju kupališnog reda.

Član 7.

(Plan čišćenja i način čišćenja)

- (1) Bazenska kupališta moraju imati izrađen Plan čišćenja čistog i nečistog dijela bazenskog kupališta iz člana 4. tačka d) ovog pravilnika, a isti mora sadržavati najmanje sljedeće podatke: šta se čisti, čime se čisti, kada se čisti i ko čisti.
- (2) Bazensko kupalištese čisti dnevno.
- (3) Za čišćenje čistog dijela bazenskog kupališta obavezna je upotreba mehaničkih i hemijskih sredstava za čišćenje, te po potrebi i sredstva za dezinfekciju, o čemu se vodi evidencija.
- (4) Dno bazena se čisti dnevno podvodnim čistačima, a zidovi bazena i preljevni kanali najmanje jednom sedmično, po potrebi i češće.
- (5) Čišćenje čistih i nečistih dijelova bazenskih kupališta obavlja se na kraju rada, a po potrebi i za vrijeme rada.
- (6) O čišćenju se vodi dnevni evidencijski list čišćenja iz kojeg je vidljivo šta, čime, kada i ko je obavio čišćenje.
- (7) Odgovorna osoba nadzire izvođenje Plana čišćenja.
- (8) Plan i dnevni evidencijski list čišćenja sastavni su dio evidencije rada bazenskog kupališta.

Član 8.

(Nadzor nad evidencijom rada bezenskog kupališta)

- (1) Odgovorna osoba mora nadzirati evidenciju rada bazenskog kupališta u skladu sa Prilogom III koji se sastavni dio ovog pravilnika, a koji je potrebno čuvati do kraja tekuće godine.

- (2) Odgovorna osoba nadzire vođenje evidencije o provednim korektivnim mjerama koja je sastavni dio evidencije rada bazenskog kupališta.

- (3) Evidencija rada bazenskog kupališta mora uvijek biti na raspolaganju nadležnom sanitarnom inspektor tokom inspeksijskog nadzora.

Član 9.

(Održavanje bazena)

- (1) Bazenskom kupalištu koje radi cijelu godinu, potrebno je jednom godišnje cijeli protočni sistem, uključujući i bazene, potpuno isprazniti, očistiti, isprati, napuniti i hiperhlorisati u trajanju od dvadeset i četiri sata.
- (2) Postupak iz stava (1) ovog člana potrebno je provesti i sa bazenskim kupalištem koje ne radi cijelu godinu, a prije početka sezone rada bazenskog kupališta (sezonska bazenska kupališta). Nakon provedenog postupka, uz rezultate laboratorijskog ispitivanja bazenske vode, a prije početka rada bazenskog kupališta potrebno je obavijestiti nadležnu sanitarnu inspekciju.
- (3) Filter bazenskih kupališta koja rade cijelu godinu potrebno je održavati u skladu sa uputstvima proizvođača, a filter sezonskih bazenskih kupališta na isti način, samo u vrijeme rada bazenskog kupališta.
- (4) Provedene postupke potrebno je upisati u evidenciju rada bazenskog kupališta iz člana 8. ovog pravilnika.

III - BAZENSKA VODA**Član 10.**

(Zdravstvena ispravnost i priprema bazenske vode)

- (1) Bazenska voda mora biti bezbjedna za kupaće, bistra, bez mehaničkih primjesa i vidljivih nečistoća.
- (2) Prilikom pripreme bazenske vode potrebno je obaviti najmanje dezinfekciju sa rezidualnim učinkom i korekciju pH vrijednosti.
- (3) Sredstva za dezinfekciju moraju se ravnomjerno raspodijeliti u bazenu tako da bazenska voda u cijelom bazenu zadovoljava propisane vrijednosti definisane u uslovima za bazensku vodu u Prilogu I ovog pravilnika.
- (4) Uprava bazenskog kupališta mora osigurati kontinuirana i automatska mjerenja parametara u skladu s Prilogom III koji je sastavni dio ovog pravilnika.
- (5) Vrijednosti svih parametara provjeravaju se i jednom dnevno ručnim mjerenjima.
- (6) Ako bazensko kupalište nije opremljeno automatskim uređajima iz stava 4. ovoga člana, odgovorna osoba mora osigurati ručno mjerenje navedenih parametara šest puta dnevno u jednakim vremenskim intervalima u periodu rada bazenskog kupališta.
- (7) Odgovorna osoba, u skladu sa uputstvima proizvođača uređaja, mora osigurati baždarenje mjernih uređaja, a ako nije drugačije određeno, baždarenje se mora provoditi jednom godišnje.
- (8) Odgovorna osoba izrađuje Plan baždarenja mjernih uređaja u skladu sa članom 4. tačka h) ovog pravilnika i vodi evidenciju o istom.

Član 11.

(Održavanje bazena na dnevnom nivou)

- (1) Dnevno je potrebno zamijeniti po kupacu najmanje 30 litara ukupnog sadržaja bazenske vode sa svježom vodom, ravnomjerno raspoređeno u svim bazenima, ako ih ima više, a što se provjerava mjeračem količine dodane vode i

podacima iz evidencije rada bazenskog kupališta iz člana 8. ovog pravilnika.

- (2) Ukupna količina dodane vode treba se upisati u evidenciju rada bazenskog kupališta iz člana 8. ovog pravilnika za svaki bazen pojedinačno.

IV - LABORATORIJSKA ISPITIVANJA

Član 12.

(Praćenje zdravstvene ispravnosti bazenske vode)

- (1) Uzorkovanje, laboratorijska ispitivanja i ocjenu zdravstvene ispravnosti ispitanih uzoraka bazenske vode obavlja Zavod za javno zdravstvo Kantona Sarajevo (u daljem tekstu Zavod), koji mora biti akreditiran prema normi BAS EN ISO/IEC 17025, Opći zahtjevi za osposobljenost ispitnih i kalibracionih laboratorija.
- (2) Analize uzoraka se obavljaju prema metodama navedenim u Prilogu II koji je sastavni dio ovog pravilnika.
- (3) Finansijska sredstva za praćenje zdravstvene ispravnosti bazenske vode osigurava Uprava bazenskog kupališta.

Član 13.

(Usklađenost bazenske vode sa parametrima definisanim Pravilnikom)

Bazenska voda mora odgovarati referentnim vrijednostima fizičkih, hemijskih i mikrobioloških parametara navedenih u Prilogu I ovog pravilnika, koji čini njegov sastavni dio.

Član 14.

(Zdravstveno neispravna bazenska voda)

- (1) Kada rezultati laboratorijskih analiza iz člana 12. ovog pravilnika nisu u skladu s vrijednostima propisanim ovim pravilnikom, Zavod odmah obavještava odgovornu osobu bazenskog kupališta.
- (2) Odgovorna osoba obavezna je u najkraćem roku poduzeti korektivne mjere kako bi se bazenska voda dovela u stanje zdravstvene ispravnosti.
- (3) O poduzetim mjerama vodi se evidencija iz člana 8. ovog pravilnika.
- (4) Po završetku korektivnih mjera iz stava 2) ovog člana, a na poziv odgovorne osobe bazenskog kupališta stručni tim Zavoda obavlja ponovno uzorkovanje i ispitivanje bazenske vode na zdravstvenu ispravnost. Ako rezultati analiza i dalje ne odgovaraju odredbama ovoga pravilnika i voda je nepogodna za kupanje, Zavod će obavijestiti odgovornu osobu bazenskog kupališta i nadležnu Sanitarnu inspekciju.
- (5) Ako je analizama iz člana 12. ovog pravilnika utvrđeno mikrobiološko onečišćenje, prilikom ponovnog uzorkovanja ispituju se svi parametri definisani u Prilogu I ovog pravilnika.
- (6) Ako je analizama iz člana 12. ovog pravilnika utvrđeno hemijsko onečišćenje, prilikom ponovnog uzorkovanja ispituju se samo neispravni parametri.

Član 15.

(Vanredno uzorkovanje i ispitivanje bazenske vode)

Prema stručnoj procjeni Zavoda ili nadležne sanitarne inspekcije organ upravljanja bazenskog kupališta dužan je obezbijediti i vanredno uzorkovanje i ispitivanje bazenske vode.

Član 16.

(Ocjena ispravnosti uzorka bazenske vode)

- (1) Odgovorna osoba bazenskog kupališta obavezna je za svaki bazen, na oglasnu ploču bazenskog kupališta postaviti obavijest koja sadrži informacije o rezultatima laboratorijskih ispitivanja sa ocjenom zdravstvene ispravnosti uzorka bazenske vode, za minimalno zadnje laboratorijsko ispitivanje bazenske vode.
- (2) Uprava bazenskog kupališta obavezna je rezultate laboratorijskih ispitivanja čuvati jednu godinu.
- (3) Ocjena ispravnosti uzorka bazenske vode definiše se kako slijedi:
 - a) bazenska voda je ispravna,
 - b) bazenska voda je sa prihvatljivim odstupanjem i pogodna je za kupanje
 - c) bazenska voda je neispravna i nepogodna je za kupanje.
- (4) Ocjenu ispravnosti iz stava (3) ovog člana daje ljekar specijalista higijene i medicinske ekologije ili ljekar specijalista epidemiologije Zavoda, uz izvještaj o rezultatima ispitivanja, kao poseban dokument, odnosno prilog izvještaju sa jasnom sljeditivošću na koji se uzorak odnosi.

Član 17.

(Uzorkovanje bazenske vode)

- (1) Uprava bazenskog kupališta mora osigurati uzorkovanje bazenske vode najmanje jedanput sedmično, po potrebi i češće. Za sezonska bazenska kupališta potrebno je osigurati uzorkovanje istom dinamikom, ali samo u sezoni kupanja.
- (2) Za izuzetno mala bazenska kupališta (do deset kupaca) uprava bazenskog kupališta mora osigurati uzorkovanje bazenske vode najmanje dva puta mjesečno.
- (3) Ako bazensko kupalište ima više bazena, potrebno je uzorkovati bazensku vodu iz svakog bazena pojedinačno.
- (4) Termin uzorkovanja vode određuje Zavod, poštujući radno vrijeme bazenskog kupališta.
- (5) Zavod je dužan da jednom godišnjem, a po potrebi i češće izvrši sanitarno-higijensko izviđanje bazenskog kupališta.

Član 18.

(Baza podataka bazenskih kupališta)

- (1) Zavod vodi bazu podataka o svim bazenskim kupalištima u kojima se vrši uzorkovanje i ispitivanje bazenske vode, te u formi izvještaja o zdravstvenoj ispravnosti bazenske vode izvještava Zavod za javno zdravstvo Federacije BiH, najkasnije do 28. februara tekuće godine za prethodnu godinu.
- (2) Baza podataka iz stava (1) ovog člana minimalno sadrži podatke o osnovnim karakteristikama bazenskog kupališta, odgovornom licu bazenskog kupališta, rezultatima ispitivanja bazenske vode i vanrednom uzorkovanju i ispitivanju bazenske vode, kao i ocjenu sanitarno - higijenskog stanja bazenskog kupališta, a koja je ustanovljena tokom sanitarno - higijenskih izviđanja bazenskog kupališta iz člana 17. stav (5) ovog pravilnika.

Član 19.

(Inspekcijски nadzor)

Inspekcijски nadzor nad sanitarno-tehničkim i higijenski uslovima bazenskih kupališta obavlja Kantonala uprava za inspekcijске poslove Kantona Sarajevo - Inspektorat sanitarne, zdravstvene, farmaceutske inspekcije i inspekcije za hranu.

V - PRIJELAZNE I ZAVRŠNE ODREDBE**Član 20.**

(Rok za usklađivanje)

Uprava bazenskog kupališta, odnosno vlasnici bazenskih kupališta, obvezni su uskladiti svoju djelatnost sa odredbama ovoga pravilnika u roku od 90 dana od dana njegovog stupanja na snagu.

Član 21.

(Stupanje na snagu)

Ovaj pravilnik stupa na snagu osmog dana od dana objave u "Službenim novinama Kantona Sarajevo."

Član 22.

(Prestanak primjene)

Ovim Pravilnikom stavlja se van snage Pravilnik o sanitarno-tehničkim i higijenskim uslovima bazenskih kupališta i zdravstvenoj ispravnosti bazenskih voda ("Službene novine Kantona Sarajevo", broj 50/18).

Broj 9558/25

Ministar

17. aprila 2025. godine

Prim. mr. sci. dr. med.

Sarajevo

Enis Hasanović, s. r.**PRILOG I****USLOVI ZA BAZENSKU VODU****Tabela 1. Uslovi za bazensku vodu**

Broj	Parametar	Mjerna jedinica	Vrijednost	
			min.	max.
1	Mikrobiološki			
1.1.	Pseudomonas aeruginosa	cfu/100 ml	-	<1
1.2.	Escherichia coli	cfu/100 ml	-	<1
1.3.	Legionella spp (Napomena 1)	cfu/100 ml	-	<1
1.4.	Broj kolonija na (36±2)°C/(44±4) h	cfu/ml	-	200
2.	Fizičko – hemijski			
2.1.	Boja	Pt/Co skale	-	20
2.2.	Mutnoća	NTU	-	5,0
2.3.	pH vrijednost (Napomena 2)		6,5	7,8
2.4.	Elektroprovodljivost (na 20 °C)	µS/cm	-	1500
2.5.	Utrošak KMnO ₄ (Napomena 3)	mgO ₂ /l	-	5
2.6.	Hloridi	mgCl/l	-	300
2.7.	Slobodni hlor (Napomena 4,5,6,7)	mg/l	0,2	1,0
2.8.	Trihalometani (ukupni) (Napomena 8)	µg/l	-	100
2.9.	Hlor dioksid (Napomena 4,9)	mg/l	0,2	0,3
2.10.	Ozon (Napomena 10)	mg/l	-	0,05

Napomene:

- 1) Parametar se provjerava jednom godišnje. Kod bazena koji rade sezonski, parametar se provjerava na početku sezone kupanja.
- 2) Mjerenje na terenu ili u laboratoriji.
- 3) Ukoliko se prilikom pripreme vode upotrebljava ozon ne određuje se ovaj parametar u bazenskoj vodi.
- 4) Mjerenje na terenu.
- 5) Iznimno za ograničeno vrijeme radi ispunjavanja propisanih mikrobioloških parametara za bazenske vode dozvoljene su više koncentracije, ali koncentracija slobodnog hlora ne smije biti iznad 1,2 mg/l.
- 6) Iznimno kod hidromasažnih kada su dozvoljene veće koncentracije slobodnog hlora, ali ne iznad 3,0 mg/L.

- 7) U bazenima s temperaturom vode ≥23°C i mogućnošću aerosolizacije vode, koncentracija slobodnog hlora mora biti najmanje 0,7 i ne veća od 1,0 mg/L.
- 8) Parametar se ispituje jednom mjesečno.
- 9) Ako se prilikom pripreme vode upotrebljava hlor dioksid.
- 10) Ako se prilikom pripreme vode upotrebljava ozon.

PRILOG II**METODE ZA ISPITIVANJE BAZENSKE VODE**

Sve metode za ispitivanje parametara u bazenskim vodama moraju ispunjavati minimalne izvedbene zahtjeve utemeljene na mjernoj nesigurnosti od 50% ili manjoj ($k=2$) i granici kvantifikacije od 30% ili manjoj od vrijednosti odgovarajuće maksimalne vrijednosti propisane u tabeli 1. Priloga I ovoga Pravilnika.

Tabela 1. Metode za ispitivanje bazenske vode

Broj	Parametar (Napomena 1)	Analitička metoda
1.	Mikrobiološki (Napomena 2)	
1.1.	Escherichia coli	BAS EN ISO 9308-1
1.2.	Broj kolonija na (36±2)°C/(44±4) h	BAS EN ISO 6222
1.3.	Pseudomonas aeruginosa	BAS EN ISO 16266
1.4.	Legionella spp.	BAS EN ISO 11731
2.	Fizičko hemijski (Napomena 3)	
2.1.	Boja	Spektrofotometrija
2.2.	Mutnoća	Turbidimetrija
2.3.	pH vrijednost	Elektrometrija
2.4.	Elektroprovodljivost (na 20 °C)	Konduktometrija
2.5.	Utrošak KMnO ₄	Volumetrija
2.6.	Hloridi	Volumetrija
2.7.	Slobodan hlor	DPD metoda; Kolorimetrija;
2.8.	Ozon	Spektrofotometrija
2.9.	Trihalometani	GC/ECD; HS/GC/ECD; Spektrofotometrija
2.10.	Hlor dioksid	DPD metoda; Kolorimetrija

Napomene:

- (1) Ako parametar onečišćenja nije prikazan u Prilogu I ovoga Pravilnika, analiza se obavlja međunarodno priznatim i znanstveno provjerenim metodama.
- (2) Mogu se primjenjivati i druge metode za određivanje mikrobioloških parametara za koje je dokazano da prema BAS EN ISO 17994, Kvaliteta vode – Zahtjevi za poređenje relativnog izdvajanja mikroorganizama pomoću dvije kvantitativne metode i daju rezultate barem jednako pouzdane kao standardne metode navedene u tabeli.
- (3) Mogu se primjenjivati i akreditirane metode te metode koje su validirane internom validacijom i međulaboratorijskim provjerama.

PRILOG III**EVIDENCIJA RADA BAZENSKOG KUPALIŠTA**

Evidencija rada bazenskog kupališta uz podatke iz Tabele 1. ili 2. iz ovog Priloga obuhvataju i:

- plan i dnevni evidencijski list čišćenja iz člana 7. ovog Pravilnika,
- evidenciju o provedenim korektivnim mjerama za dovođenje vode u stanje zdravstvene ispravnosti,
- rezultate laboratorijskih analiza iz člana 13. ovoga Pravilnika,
- plan baždarenja mjernih uređaja bazena iz člana 4. tačka h) ovog Pravilnika.

Tabela 1.Podaci za bazensku vodu i bazensko kupalište opremljeno uređajima za kontinuirano mjerenje

Br.	Podatak	Mjerna jedinica	Početak rada	Sredina rada	Završetak rada
1.	Temperatura vode	°C	+	+	+
2.	pH vrijednost		+	+	+
3.	Slobodan hlór	mg/l	+	+	+
4.	Ručna mjerenja			+	
	a) slobodan hlór	mg/l		+	
	b) pH vrijednost	pH jedinica		+	
5.	Broj kupaća dnevno (Napomena 1)	Broj			+
6.	Količina dodane svježe vode	m ³ /dan			+
7.	Čišćenje filtera	Da/Ne			+
8.	Hiperhlorinacija	mg/l			+
9.	Nepredviđeni posebni događaji	Da/Ne			+

Tabela 2.Podaci za bazensku vodu i bazensko kupalište bez uređaja za kontinuirano mjerenje

Br.	Podatak	Mjerna jedinica	1	2	3	4	5	6
1.	Temperatura vode	°C	+	+	+	+	+	+
2.	pH vrijednost		+	+	+	+	+	+
3.	Slobodan hlór	mg/l	+	+	+	+	+	+
4.	Broj kupaća dnevno (Napomena 1)	Broj						+
5.	Količina dodane svježe vode	m ³ /dan						+
6.	Čišćenje filtera	Da/Ne						+
7.	Hiperhlorinacija	mg/L						+
8.	Nepredviđeni posebni događaji	Da/Ne						+

Napomene:

- (1) Ako bazensko kupalište ima veći broj bazena, vodi se evidencija o ukupnom broju kupaća, a količina dodane svježe vode dnevno mora odgovarati odredbama člana 11. ovog Pravilnika.

**Ministarstvo za rad, raseljena lica i izbjeglice
Kantona Sarajevo**

Na osnovu čl. 66. st. (1) i (2) i 68. stav (3) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u skladu sa članom 6. stav (2) Uredbe o subvencioniranju troškova grijanja ("Službene novine Kantona Sarajevo", br. 4/05, 7/08, 37/13, 51/14, 8/18, 9/19 i 50/20), ministrica za rad, socijalnu politiku, raseljena lica i izbjeglice Kantona Sarajevo, donosi

**INSTRUKCIJU
O VISINI MJESEČNOG NOVČANOG IZNOSA
SUBVENCIONIRANJA TROŠKOVA GRIJANJA**

Član 1.

(Predmet Instrukcije)

Ovom instrukcijom utvrđuje se visina mjesečnog novčanog iznosa subvencioniranja troškova grijanja po Uredbi o subvencioniranju troškova grijanja ("Službene novine Kantona Sarajevo", br. 4/05, 7/08, 37/13, 51/14, 8/18, 9/19 i 50/20).

Član 2.

(Visina mjesečnog novčanog iznosa subvencioniranja troškova grijanja)

Visina mjesečnog novčanog iznosa subvencioniranja troškova grijanja za mjesec januar, februar i mart 2025. godine iznosi 140,00 KM mjesečno.

Član 3.

(Stupanje na snagu)

Ova instrukcija stupa na snagu narednog dana od dana objavljivanja u "Službenim novinama Kantona Sarajevo".

Broj 13-02-11446/25

17. aprila 2025. godina
SarajevoMinistrica
Enda Pavić Pečenковиć, s. r.**Ministarstvo kulture i sporta Kantona Sarajevo**

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 54. stav (2) Zakona o sportu ("Službene novine Kantona Sarajevo", broj 45/12 - Prečišćeni tekst i 36/21) i Uredbe o dodjeli transfera neprofitabilnim organizacijama organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21, 13/22, 21/24 i 10/25), ministar kulture i sporta Kantona Sarajevo donosi

**PRAVILNIK
O KRITERIJIMA ZA PODRŠKU FINANSIRANJU
JAVNOG INTERESA U SPORTU KANTONA
SARAJEVO****I - OPŠTE ODREDBE**

Član 1.

(Predmet)

Ovim pravilnikom propisuju se kriteriji i način odobravanja programa kojima se ostvaruje javni interes u oblasti sporta, dodjela sredstava, izgled i sadržina prijedloga programa i dokumentacije koja se uz prijedlog podnosi, sadržina i izgled izvještaja o realizaciji programa i način i postupak kontrole realizacije odobrenih programa.

Član 2.

(Cilj)

Cilj ovog pravilnika je definisanje načina i kriterija zadovoljavanja potreba i interesa građana u oblasti sporta kroz finansiranje i sufinansiranje programa iz sredstava budžeta Kantona Sarajevo, u skladu sa zakonom, Uredbom o dodjeli transfera neprofitabilnim organizacijama organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21, 13/22, 21/24 i 10/25) (u daljem tekstu: Uredba), javnim pozivom i ovim pravilnikom.

Član 3.

(Upotreba rodno osjetljivog jezika)

Riječi muškog ili ženskog roda upotrijebljene u ovom pravilniku koriste se neutralno i odnose jednako na muški i ženski rod.

**II - USLOVI I KRITERIJI ODOBRAVANJA
PROGRAMA I DODJELE SREDSTAVA**

Član 4.

(Način odobravanja i sufinansiranja programa)

Programi kojima se ostvaruje javni interes iz oblasti sporta (u daljem tekstu: Programi) se odobravaju i sufinansiraju putem javnog poziv Ministarstva kulture i sporta Kantona Sarajevo (u daljem tekstu: Ministarstvo), osim izuzetaka definisanih članom 20. ovog pravilnika.

Član 5.

(Osnovni uslovi za odobrenje Programa)

Programi iz člana 4. ovog pravilnika mogu biti odobreni ukoliko ispunjavaju uslove vezane za: